

Enyi Watawala katika Ardhi za Waislamu ... Sikizeni na Muzingatie... (Imetafsiriwa)

Kuna vita vya kikatili vinavyofanywa dhidi ya Gaza na kukosekana uingiliaji kati wa majeshi ya Waislamu, haswa yale yanayoizunguka Palestina, licha ya mauaji yote yanayofanywa na umbile la Kiyahudi, mchana na usiku. Vita hivi vya kikatili sasa vimeambatana na taarifa zinazofuatana kutoka kwa wakoloni wa makafiri, haswa Marekani na Uingereza, kuhusu suluhisho la dola mbili kwa Palestina. Suluhisho hili ni dola ya Mayahudi katika sehemu kubwa ya Palestina, na baadhi yake ni imeondolewa nguvu ya kijeshi ambayo Wapalestina wamehifadhiwa! Suluhisho hili limetajwa mara nyingi, midomoni mwa watawala katika ardhi za Waislamu, haswa nchi za Kiarabu zinazoizunguka Palestina, huku mamlaka ya Palestina ikiwa mstari wa mbele wa wito huu ...

Kisha, kukawa na mwendelezo wa uvamizi wa kikatili kwa karibu siku hamsini. Halafu, mkataba wa kusitisha vita wa wiki nzima ulidhinishwa na umbile la Mayahudi, kisha kuubatilisha, na kuendelea na hata ukatili mkubwa zaidi na bila ya uingiliaji kati wa majeshi. Yote haya ni kuonyesha kana kwamba umbile la Mayahudi ni nguvu kubwa, kiasi kwamba majeshi ya Waislamu hayawezi kupigana nao. Kwa hivyo, yote yanaleta mazingira ya kujadiliana nalo juu ya mradi muovu, suluhisho la dola mbili, ambalo ni usaliti kwa Mwenyezi Mungu, Mtume wake, na waumini.

Enyi watawala katika Ardhi za Waislamu:

Umbile la Kiyahudi sio watu wa vita na ushindi, badala yake ni kama Mwenyezi Mungu (swt) alivyosema,

[لَنْ يَضُرَّوْكُمْ إِلَّا أَذًى وَإِنْ يُقَاتِلُوْكُمْ يُؤَلِّمُكُمُ الْاَدْبَارَ ثُمَّ لَا يَنْصُرُوْنَ]

“Maadui hawatakudhuruni ila ni maudhi tu. Na wakipigana nanyi watakupeni mgongo, na tena hawatanusuriwa.” [Surah Aali Imran 3:111]. Kama munavyoona, waumini wachanga wanapigana na Mayahudi, kwa idadi ndogo na uwezo mdogo kuliko umbile la Kiyahudi, na bado umbile hili halijafanikiwa ushindi mpaka wa leo. Kwa hivyo, ikiwa majeshi ya Waislamu yatasonga, sio hata majeshi yote ya Waislamu, bali yale tu yanaoizunguka Palestina, au hata baadhi yake, basi umbile la Kiyahudi halingebakia hata athari yake kuonekana.

Palestina ni ardhi ya Kiislamu .. Umar al-Farooq (ra) aliifungua .. Salahudin Al-Ayubi akaikomboa .. na Abdul Hameed II akailinda. Sio ya kuuzwa. Haikubali kugawanywa kati ya watu wake, na wale awanaoikalia kimabavu, kuwafukuza watu wake kutoka kwake. Suluhisho lake sio suluhisho la dola mbili. Badala yake, suluhisho lake ni kama Mwenyezi Mungu Al-Aziz, Al-Jabbar alivyosema, na maneno Yake (swt) ndio suluhisho la kweli,

[وَأَقْتُلُوْهُمْ حَيْثُ تَقْتُلُوْهُمْ وَأَخْرِجُوْهُمْ مِنْ حَيْثُ أَخْرَجُوْكُمْ] **“Na wauweni popote mwakutapo, na muwatoe popote walipo kutoeni.”** [Surah Al-Baqarah 2:191].

Enyi Watawala katika Ardhi za Waislamu:

Je! Kuuwawa shahidi na kujeruhiwa kwa Waislamu elfu sitini huko Gaza haitoshi kwenu kuhamasisha majeshi kwa ajili ya kuwanusuru?! Mwenyezi Mungu (swt) amesema,

[وَإِنْ اسْتَعْصَمْتُمْ فِي الدِّينِ فَعَلَيْكُمْ النَّصْرُ] **“Lakini wakiomba msaada kwenu katika Dini, basi ni juu yenu kuwasaidia.”** [Surah Al-Anfal 8:72].

Je! Kelele za watoto wa Gaza, vilio vya kina mama, uchungu wa waliofiwa, na vilio vya wanaume na wanawake wakongwe, haitoshi kwenu, kuhamasisha majeshi, katika kuwanusuru?!!

Je! Muendelezo wa mauaji, kunyofolewa kwa miili, na miguu, ya mashahidi, na umwagaji damu ya mashahidi na majeruhi kutoka chini ya vifusi na magofu, haitoshi kwenu kuwanusuru watu wa Gaza?!!

Je! Hamuoni? Je! Hamusikii? Je! Damu haichemki mishipa mwenu, kiasi kwamba muinusuru Gaza Hashim?!!

Je! Hamuoni aibu mbele ya Mwenyezi Mungu, Mtume wake, na waumini, kiasi kwamba msikataa kutoa Nusrah (kuwanusuru)? Hakika, Mtume wa Mwenyezi Mungu (saw) amesema ukweli katika Hadith iliyopokewa na Al-Bukhari, ambaye alisema kwamba Adam alisimulia, kwamba Shu'bah kutoka kwa Mansour, ambaye alisema, nilimsikia Rab'i bin Hiraash akizungumza kutoka kwa Abu Masoud, kwamba Mtume (saw) amesema,

«إِنَّ مِمَّا أَدْرَكَ النَّاسُ مِنْ كَلَامِ النَّبِيِّ إِذَا لَمْ تَسْتَحْيِ فَاصْنَعْ مَا شِئْتَ» **“Hakika katika miongoni mwa waliyoyapata watu kutoka kwa maneno ya Mitume (as) ni, ‘ikiwa huoni haya basi fanya unavyotaka.’”**

Enyi Watawala katika Ardhi za Waislamu:

Tunatambua kuwa uaminifu wenu kwa wakoloni wa makafiri, haswa Marekani, na utiifu wenu kwao ndio unaokuzuieni kuinusuru Gaza na watu wake ili kuhifadhi viti vyenu vibovu. Mumesahau, au mumejisahaulisha, kwamba kwa kufanya hivyo hamupotezi tu Akhera yenu, munapoteza hata maisha ya dunia hii. Hakika, wakoloni makafiri watakutupeni kama konde za tende, na kuvunja viti vyenu, pindi wakimaliza kufikia malengo yao kupitia nyinyi. Kilichowatokea watangulizi wenu hapo awali, ni funzo kwenu, ikiwa tu mutatambua hilo.

